



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

66. Universis, & singulis &c. Monitorium, die 3. Augusti 1714. expeditum
contra Canonicum Joannem Blanciardum, & Sacerdotem Josephum
Blanciardum, & Sacerdotem Ludovicum Pomano, ob Sacrilegam ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

N. Nicola.
Joannem Paulum Bianchiardi.
Franciscum Joseph Umberro.
Laurentium Caffo.
Carolus Philippum Boggio.
Josephum Antonium Rugerino.
Joannem Mariam Rocca.
Bartholomeum Guglielmetti.
Bernardinum,)
& Stephanum) *Fratres de Bianna.*

Justitiæ Milites.

Joannem Andream Rapeto.
N. Frescia, & duos alios N. N.
Antonium Barchetto.
Bernardum Valino.
Bartholomæum Martello.
Dominico Umberro.
Joannem Baptistam Abbate.
N. Castlone.

Citantur
 omnes nomi-
 nati & mo-
 nentur ad
 comparen-
 dum & alle-
 gandum cau-
 sam quare
 &c.

Monentis, citetis, & requiratis, ac moneri, & requiri faciat, eisdemque, & cuilibet ipsorum præcipiatis, & mandetis, prout Nos eosdem harum serie citamus, monemus, & requirimus, eisdemque, & cuilibet eorum præcipimus, & mandamus per præsentem primo, secundo, & tertio, & peremptorio termino, quatenus infra quadraginta quinque dierum spatium ab executione præsentium computandorum, quorum quindecim pro primo, alios quindecim pro secundo, & alios quindecim pro tertio ultimo, & peremptorio termino, ac trinâ canonicâ monitione assignamus, & Vos assignetis debeant, & quilibet ipsorum, prout eos tangit, debeat Romæ coram Nobis, personaliter, vel legitime comparuisse, & comparere ad deducendum, & allegandum causam, quare non debeant ipsi, & eorum quilibet in omnes, & singulas censuras, & pœnas in Sacris Canonibus, Conciliis, & Constitutionibus Apostolicis, & præsertim in Bullâ in Cœnâ Domini quotannis legi, & publicari solitâ, contentas, inflictas, impositas, & comminatas incidisse, & incurrisse declarari, & contra eos, & illorum quemlibet literas declarationis quascumque desuper necessarias, & opportunas decerni, & relaxari, & respectivè ipsi non debeant condemnari ad damna, expensas, & interesse, & super præmissis cum dicto Illustrissimo Domino Commissario Generali, & aliis, cum quibus opus fuerit, Juri steterit, deque eorum innocentia, si quæ sit legitime docuisse, præsentique nostro Monitorio omninò paruisse.

§. 26. Certificantes eosdem sic monitos, requisiti, citatos, & eorum quemlibet, quodsi in prædicti Monitorii termino non comparuerint, vel aliquis eorum non comparuerit, seu comparisonem distulerint, vel distulerit, Nos nihilominus ad ulteriora juris, & facti remedia, & ad declarationem incursum pœnarum prædictarum usque ad Sententiam, illiusque executionem inclusivè, prout juris fuerit, per contradictas per Edictum publicum procedemus, eorum contumaciâ, vel absentia, & aliis quibuscumque non obstantibus; Et cum excessus prædicti patrati fuerint in jurisdictione, & Territorio Abbatiali Sancti Benigni, & valde notoria sit violenta occupatio jurisdictionis Sedis, & Cameræ Apostolice, nihilominus ad supererogationem ex pluribus etiam Testium depositionibus hæc omnia comprobata remaneant; Cumque pro præsentem nostro Monitorio exequendo tutus non pateat accessus, propterea volumus, & auctoritate nostra decernimus idem nostrum Monitorium contra omnes supra nominatos exequi mediante affixione, & dimissione ejusdem copiarum ad valvas Basilicæ Principis Apostolorum Sancti Petri in Vaticano, & Magnæ Curie Inno-

centianæ, nec non ad valvas Ecclesiarum, Terrarum, & Locorum Abbatialium Sancti Benigni, quo sic exequuto, & in actis infra scripti Nostri Secretarii legitime reproducto ita eosdem monitos, & eorum singulos arctare, & astringere perinde valeat ac si personaliter, & magis legitime exequutum foret, contrariis quibuscumque non obstantibus. In quorum fidem &c. Datum Romæ ex Magnâ Curia Innocentianâ Anno à Nativitate D. N. Jesu Christi millesimo septingentesimo decimo tertio, Indictione sexta; die verò 20. Junii, Pontificatus autem Sanctissimi in Christo Patris, & Domini nostri Domini Clementis Divinâ Providentia Papæ Undecimi Anno decimo tertio.

Jo. Patritius Archiepiscopus Seleuciæ
 Thesaurarius Gener., & specialiter
 Delegatus.

Jo. Antonius Tartaglia Rev. Cam.
 Apostol. Secretarius.

Die 26. Septemb. 1713. Elapsis terminis in antedicto Monitorio præfixis, aliisque servatis de stylo Curie servari solitis, lata, & publicata fuit contra omnes citatos Contumaces Sententia declaratoria incursum in omnes, & singulas Censuras, ac pœnas in eodem Monitorio contentas, & comminatas.

Eademque die decreta, relaxata, typis impressa, & consuetis locis Urbis palam affixa fuit publica Scheda-Cedoloni-nuncupata, qua universis Christianidelibus denunciati fuerunt excommunicati vitandi, ac in eventum mortis privati Ecclesiastica Sepultura illi omnes, & singuli, contra quos prædicta Sententia lata fuit.

MONITORIUM

Die 3. Augusti 1714. expeditum contra Canonium Joannem Bianciardum, Sacerdotem Josephum Bianciardum, & Sacerdotem Ludovicum Pomano ob sacrilegam communicationem cum Advocato Joanne Paulo Bianciardo prætenso Judice Cameræ Computorum Taurini excommunicato palam declarato, & alia ab ipsis gesta in contemptum censurarum, & Apostolicæ auctoritatis.

Joannes Patritius Archiepiscopus Seleuciæ Sanctissimi Domini Nostri Papæ, & ejus Reverendæ Cameræ Apostolicæ Thesaurarius Generalis, & quorumcumque Spoliorum, & Jurium Abbatiarum & Beneficiorum Ecclesiasticorum vacantium in tota Italia Collector Generalis, & specialiter à Sanctissimo Domino Nostro Delegatus.

Universis, & singulis RR. DD. Abbatibus, Prioribus, Præpositis, Archidiaconis, Scholasticis, Cantoribus, Custodibus, Thesaurariis, Sacristis, tam Parochialium, quam Collegiarum Rectoribus, seu earundem Plebanis, Viceplebanis, Curatis, & non Curatis, cæterisque Presbyteris, nec non Clericis, & Tabellionibus quibuscumque, illique, vel illis, ad quem, vel ad quos præsentem nostræ literæ pervenerint, seu quomodolibet præsentabuntur, salutem in Domino &c.

§. 1. Noveritis fuisse nuper coram Nobis comparitum pro parte, & ad instantiam Illustrissimi D. Gasparis Turchi Sanctissimi Domini Nostri Papæ, & Reverendæ Cameræ Apostolicæ Commissarii Generalis omni meliori modo Prin-

cipalis

Nonnulli Canonici Abbatialis Ecclesie S. Benigni metuentes appositionem Interdicti, quia in dicta Ecclesia divina celebrantur presente Jo. Paulo Blanciardo publico Excommunicato, in Collegiali congressu de petenda absolutione a censuris delibent.

Ejusmodi propositioni repugnant Canonici Joannes Blanciardus, & injuriis afficit Canonico Passaro, qui eam fecerat.

Prædicto Canonico Blanciardo adhaerent Sacerdotes Joseph Blanciardus, & Ludovicus Pomano.

Qui deinde cum præfato Excommunicato palam communicare audent in publicum contemptum censuratum.

Instantia Commissarii Camerae Apostolicæ, ut procedatur contra præfatos censuratum Contemptores.

Nomina citatorum ad comparandum, & allegandum causam quare declarari non debeant incidisse in censuras, & poenas &c.

cipalis, & prævis probationibus assumptis expositum, & deductum inde, & super eo quod suspicantibus, vel timentibus R. R. Canonis Ven. Ecclesie Abbatialis S. Benigni Fructuariensis Nullius Diocesis, eadem Abbatia vacante, appositionem Interdicti Ecclesiastici, ex eo quod in dicta Ecclesia Divina fuerant celebrata presente, & assistente Advocato Joanne Paulo Blanciardo præfato Judge Camerae computorum Taurini in locis ejusdem Abbatie vacantis nulliter intruso, ac publico excommunicato, & per Nos per Cædolonum affixionem declarato, ob tunc timorem sic consulti nonnulli ex dictis Canonis coram Nobis recurrere, & humilibus precibus supplicare decreverunt, ut ab hac Ecclesiastica censura illos eximere dignemur, exponendo non dolose, vel temere id fuisse sequutum. Quo audito in Collegiali Congressu per Canonico Joannem Blanciardum præfatum Excommunicati Patrum, iste obloquendo contra Canonico Petrum Antonium Passaro, qui propositionem fecerat in Capitulo, & referendo ad ejusdem, & aliorum machinationes honestos hos ad superioris recursus, eum simul, ac alios verbalibus injuriis affectit, eisdem præsertim exprobando, quod ipsi Excommunicati extiterant, & non Advocatus ejus Nepos, quem pro tali nunquam reputaverat, nec reputabat, quam declarationem non minus temere confirmaverunt, ac eidem pariter adhaerent Sacerdos Joseph Blanciardus prædicti Advocati Frater, & Sacerdos Ludovicus Pomano in eodem loco Ludi Magister, quarum censurarum præfato modo contemptum, non solum eò tunc verbis expresserunt, verum etiam præcedenter, & subsequenter factis comprobantur; privatim enim, ac publice eorum singuli cum dicto Excommunicato publice per Nos declarato tractarunt, & familiariter versati sunt, imò eohabitarunt, & convixerunt, Ludovicus verò non solum in Civilibus cum prædicto Excommunicato verum etiam in Divinis communicavit, Sacrum in Ecclesia celebrando presente, & assistente Excommunicato prædicto, & prout latius in Processu, & Processibus desuper constructis, prædicta omnia memorati Canonici Joannes Blanciardus, Sacerdos Joseph Blanciardus, & Sacerdos Ludovicus Pomano commiserunt, & perpetrarunt in gravem censurarum contemptum, & vilipendium tam conjunctim, quam divisim, ac alias omni &c. singula singulis congruè referendo, ita ut utile per inutile non vitietur, nec è contra &c. non solum &c. sed & omni &c. super quibus &c.; poenas propterea, ac censuras in Sac. Canonibus contentas damnabiliter incurrendo, fuimus propterea pro parte prædicti Illustrissimi Domini Gaspari Turchi Sanctissimi Domini Nostri Papæ, & Reverendæ Camerae Apostolicæ Commissarii Generalis instantes, & debite requisiti, quatenus sibi in præmissis de opportuno Juris remedio providere, Monitoriumque ad partes ad personaliter, vel legitime comparandum sibi decernere, & concedere dignemur.

§. 2. Nos itaque petitioni hujusmodi tanquam justæ annuentes vobis omnibus, & singulis prædictis, & vestrum cuilibet insolidum committimus, & in virtute sanctæ obedientie mandamus, quatenus statim requisiti, seu aliquis vestrum requisitus fuerit ex parte nostra, imò verius Apostolicæ autoritate antedictos Canonico Joannem Blanciardum, Sacerdotem Josephum Blanciardum & Sacerdotem Ludovicum Pomano, moneatis, citeis, & requiratis, ac moneri, & requiri faciat, prout Nos eosdem, & eorum quemlibet harum serie citamus, monemus, & requirimus, primo, secundo, tertio, & peremptorio termino, quatenus infra quadraginta quinque die-

rum spatium ab executione præsentium computant, quorum quindecim pro primo, alios quindecim pro secundo, & alios quindecim pro tertio; ultimo, & peremptorio termino, ac trinâ mentione canonicâ assignamus, & vos assignetis, debeant, & quilibet ipsorum, prout eos tangit, debeat Romæ coram Nobis personaliter, vel legitime comparuisse, & comparere ad deducendum, & allegandum causam quare non debeant ipsi, & eorum quilibet in omnes, & singulas censuras, & poenas in Sac. Canonibus contentas, & comminatas incidisse, & incurrisse declarari, & contra eos, & quemlibet literas declaratorias quascumque desuper necessarias, & opportunas decerni, & relaxari, & respectivè non debeant condemnari ad damna, expensas, & interesse, & super præmissis cum d. Illustrissimo D. Commissario Generali, & aliis cum quibus opus fuerit Juri stetit, & deque eorum innocentia si qua sit, legitime docuisse, præsentique nostro Monitorio omnino paruisse.

§. 3. Certificantes eosdem sic monitos, requisiti, & citatos, & eorum quemlibet, quodsi in prædicti Monitorii termino non comparuerint, vel aliquis eorum non comparuerit, seu comparitionem distulerint, vel distulerit; Nos nihilominus ad ulteriora juris, & facti remedia, & ad declarationem incursum poenarum prædictarum usque ad Sententiam, illiusque executionem inclusivè, prout Juris fuerit, per contradictas, per Edictum publicum procedemus, eorum contumaciâ, vel absentia, & aliis quibuscumque non obstantibus. Et cum excessus prædicti patris fuerint in jurisdictione, Abbatiali Sancti Benigni, & valde notoria sit violenta occupatio jurisdictionis Sanctæ Sedis, & Reverendæ Camerae Apostolicæ & pro præfati nostro Monitorio exequendo titus non pateat accessus, propterea volumus, & autoritate nostra decernimus idem nostrum Monitorium contra omnes supra nominatos exequi mediante affixione, & dimissione ejusdem Copiarum ad valvas Basilicæ Principis Apostolorum Sancti Petri in Vaticano, & Magnæ Curie Innocentianæ, nec non ad valvas aliquarum Ecclesiarum, Terrarum, seu Locorum Abbatialium Sancti Benigni, quo sic exequuto ita eosdem monitos, & eorum singulos arctare, & adstringere perinde valeat ac si personaliter, & magis legitime exequutum foret, contrariis quibuscumque non obstantibus. In quorum fidem &c. Datum Romæ ex Magnâ Curia Innocentianâ hac die tertiâ Augusti 1714.

Jo. Archiepiscopus Seleucia Thesaurarius Gen., & specialiter Delegatus.

Jo. Antonius Tartaglia Rev. Cam. Apostol. Secretarius.

Die 3. Septembris 1714. prædictum Monitorium affixum, & publicatum fuit ad valvas Basilicæ Principis Apostolorum de Urbe, & in nova Curia Montis Citatorii per me Sebastianum Vasellum D. N. Papæ Cursorem.

Die 17. Maij 1715. Elapsis terminis in antedicto Monitorio præfixis, aliisque servatis de stylo Curia servari solitis, lata, & publicata fuit contra omnes citatos Contumaces Sententia declaratoria incursum in omnes, & singulas Censuras, ac poenas in eodem Monitorio contentas, & comminatas.

Eademque die decreta, relaxata, typis impressa, & consuetis locis Urbis palam affixa fuit publica Scheda-Cedoloni-nuncupata, qua universis Christianidelibus denunciati fuerunt excommunicari vitan-

Ob nonnullum accessum ad Abbatiam Sancti Benigni mandatur præfens Monitorium Romæ, & alibi affigi, & sic affixum omnes arctare, perinde ac si personaliter singulis inculcatum fuisset.

di, ac in eventum mortis privati Ecclesiastica sepultura illi omnes, & singuli, contra quos prædicta sententia lata fuit.

MONITORIUM

Die 3. Augusti 1714. expeditum contra Dominicum Rufina, & N. nuncupat. il Zoppo Satellites, & Dominicum Gamarra Brunettum Procuratorem Fiscalem localem Camerae Computorum Serenissimi Ducis Sabaudiae ob violatam Jurisdictionem, & Immunitatem Ecclesiasticam, & gravia vulnera respectivè inflicta Rev. Petro Francisco Dalmatio Praeposito Terræ Abbatis S. Benigni Fructuarien. Nullius Dioc.

Joannes Patritius Archiepiscopus Seleucia Sanctissimi Domini Nostri Papæ, & ejus Reverendæ Camerae Apostolicæ Thesaurarius Generalis, & quorumcumque Spoliorum, & Jurium Abbatiarum, & Beneficiorum Ecclesiasticorum vacantium in tota Italia Collector Generalis, & Specialiter à Sanctissimo Domino Nostro Delegatus.

UNiverfis, & singulis RR. DD. Abbatibus, Prioribus, Praepositis, Archidiaconis, Scholasticis, Cantoribus, Custodibus, Thesaurariis, Sacristis, tam Parochialium, quam Collegiarum Rectoribus, seu earundem Plebanis, Vice-plebanis, Curatis, & non Curatis, cæterisque Presbyteris, nec non Clericis, & Tabellionibus quibuscumque, illique, vel illis, ad quem, vel ad quos præsentis nostræ Literæ pervenerint, seu quomodolibet præsentabuntur, salutem in Domino &c.

S. I. Noveritis fuisse nuper coram Nobis comparitum pro parte, & ad instantiam Illustrissimi D. Gasparis Turchi Sanctissimi Domini Nostri Papæ, & Reverendæ Camerae Apostolicæ Commissarii Generalis omni meliori modo Principalis, & prævis probacionibus assumptis expositum, & deductum, quod cum Felicianus Saudinus Fiscalis pro Reverendâ Camera Apostolicâ in Terra Abbatis Sancti Cenigni Fructuariensis Nullius Diocesis, eadem Abbatia vacante, extaret in confugio Ecclesiæ Parochialis Sanctæ Crucis ejusdem Terræ ob timorem violentiarum, quas inferre soliti erant Ministri Potestatis Laicæ, & Camerae computorum Taurini, licet nulla penitus auctoritate suffulti, & præcisè sub die 27. Aprilis proximè præteriti cum circa horam decimam septimam egressus fuisset de dictâ Ecclesiâ, & propè, ac ante illam in Plateolâ alloqueretur cum Rev. Praeposito Petro Francisco Dalmatio, qui pariter de Domo Parochiali contiguâ eo tunc exierat, & cum aliis ejusdem Loci Incolis, idem Saudinus cum ex improvîso sibi proximum vidisset Dominicum Rufina Satellitem, illicè versus dictam Ecclesiam convolvavit, fuit tamen propè ejusdem schalæ apprehensus, & ad invicem colluctando, idem Felicianus prævaluit secum trahendo dictum Dominicum Birruarium ad schalæ Ecclesiæ, dumque primum earundem gradum præfatus Saudinus teneret, & de manibus dicti Domini peritus tentaret se eximere, supervenit aliter Birruarius nuncupat. il Zoppo in adiutorium Socii, & aggrediendo, ac insimul amplectendo eundem Felicianum de loco immuni, & primo Ecclesiæ gradu, in quo insitebat, abduxerunt. Dum hæc patrentur in præjudicium Immunitatis Ecclesiasticæ, & Rev. Dalmatius prædictus admoneret adstantes, ut essent ad testificandum parati super violentâ extractione prædictâ, Dominicus

Gamarra Brunettus præfatus Fiscalis Localis pro præfata Camerae computorum, qui prædictæ carcerationi præsidebat, & Satellitibus adstabat, agrè ferens dictum Reverendum Praepositum Testes advocavisse pro Ecclesiæ Immunitate, in eundem irruit, dicens: *Retirati Prevostò*: quibus verbis prolatis, impugnatò stylo ferreo, seu alio cultro, quem præ manibus gerebat, tria id dictum Praepositum injecit vulnera, unum superficiale super mandibula superiori cum membranarum læsione, alterum super mandibula inferiori penetrans usque ad os ex parte sinistra cum magnâ sanguinis effusione, & alterum in digito medio manus sinistra cum parva læsione; Quibus patris sceleribus dictus Reverendus Praepositus sic vulneratus, & sanguinem effundens domum translatus fuit, & dictus Felicianus ad carceres adductus in grave eorumdem Reverendi Praepositi Petri Francisci Dalmatii, & Feliciani Saudini damnatum, & præjudicium, ac Immunitatis Ecclesiasticæ vilipendium tam conjunctim, quam divisim, & aliàs omni &c. singula singulis congruè referendo, itaut utile per inutile non vicietur, nec è contra, non solum &c., sed & omni &c.; super quibus &c.; penas propterea, ac Censuras in Sacris Canonibus contentas damnabiliter incurrendo. Et quamvis adversus dictum Dominicum Gamarram Brunettum tanquam adversus notorium Clerici percussorem à Rever. Domino Canonico Carolo Antonio Gamarra Vicario Abbatis pro Sede, & Camera Apostolicâ in dictâ Abbatia deputato relaxatæ fuerint Censuræ, & affixi Cedulones: Nihilominus, cum præter vulnerationem dicti Reverendi Praepositi Dalmatii perturbaverit unâ cum dictis duobus Birruariis Jurisdictionem Sedis, & Camerae Apostolicæ in dictâ Abbatia; Fuimus propterea pro parte supra dicti Illustrissimi D. Gasparis Turchi Sanctissimi Domini Nostri Papæ, & Reverendæ Camerae Apostolicæ Commissarii Generalis instanter, & debitè requisiti, quatenus firmis remanentibus Censuris, ut supra, à prædicto Rev. Vicario Abbatis fulminatis adversus dictum Dominicum Gamarram Brunettum, sibi in præmissis de opportuno juris remedio providere, Monitorium ad Partes ad personaliter, vel legitime comparandum sibi decernere, & concedere dignaremur; Nos itaque petitioni hujusmodi tanquam justæ annuentes Vobis omnibus, & singulis prædictis, ac Vestrum cuilibet insolidum tenore præsentium committimus, & in virtute sanctæ obedientiæ strictè præcipiendo mandamus, quatenus statim visis, & receptis præsentibus, & postquam præsentium vigore fueritis requisiti, seu alter Vestrum requisitus fuerit ex parte nostrâ, imò verius Apostolicâ auctoritate supra nominatos *Satellites Dominicum Rufina, & N. nuncupatum il Zoppo, & Dominicum Gamarra Brunettum præfatum Fiscalem localem Camerae computorum* moneatis, citetis, & requiratis, ac moneri, & requiri faciatis, eisdemque, & cuilibet ipsorum præcipiatis, & mandetis, primò, secundò, & tertio, & peremptoriè, prout Nos eosdem harum serie monemus, citamus, & requirimus, eisdemque & eorum cuilibet præcipimus, & mandamus per præsentibus quatenus infra quadraginta quinque dierum spatium ab executione præsentium computandorum, quorum quindecim pro primo, alios quindecim pro secundo, & alios quindecim pro tertio, ultimo, & peremptorio termino, ac trinâ canonica monitione assignamus, & Vos assignetis, debeant, & cuilibet ipsorum, prout eos tangit, debeat Romæ personaliter, vel legitime comparuisse, & comparere ad deducendum, & allegandum causam, quare non de-

beant